

Gvangjsih Minzcuz Bau

Cawiguenj: Gvangsijh Bouxcuengh Swcigh Minzcuz Cunghvau Swvu Veijvenzvei

Cawibanh: Gvangsijh Minzcuz Bause

Geiz neix 8 bani

Aenhauh okbanj: CN45-0036

B.2024

Nd.5 Ng.15

Liggaeuq gyapsaenz nienz ndwenseiq cobet

Geizsoq: Gungh daih 3622 geiz

Vangz Huningz Mwh Youq Gvangjsih Diuyenz Daegbied Gangj Daengz Couqmaenh Gij Eiqsik Caezcaemh Cunghvaz Minzcuz Cietsaed Guh Ndei Hong Minzcuz Dangj Seizdaih Moq

Sinhvazse Nanzningz 5 nyied 8 hauh dienh Cunghung Cunghyangh Cwngcigiz cangzveij, Daengx Guek Cwnghez cajsiz Vangz Huningz 6 hauh daengz 8 hauh youq Gvangjsih diuyenz. De naeuz, aeu haeujlaeg hagsib gvancez gij swhsiengj youqgaenj gyagiengz caeuq gaijndei hong minzcuz Siz Ginbingz cungjsuhgi, aeu couqmaenh gij eiqsik caezcaemh Cunghvaz Minzcuz guh diuz sienqmeh hong minzcuz dangj caeuq gak hangh hong dieg minzcuz, dingjmaenh byaij diuz roen deng miz Cungguk daegsaek gaijgez minzcuz vwndiz, cietsaed guh ndei hong minzcuz dangj seizdaih moq.

Vangz Huningz bae daengz Cungzcoj Si Gyanghcouh Gih Daih' it Siujyoz, Sinhhoz Cin Bujvah Cunh caeuq giyez guh dangz, Fangz-cwngzgangj Si Sizvansanh Yauzcuz Yangh Muzbaiz Cunh, Dieg Baujhoh

Swyenz Guekgya Gaep Bakdah Bwz-lunz caeuq baksok, giyez minzyingz diuyenz, roxyiuj couqmaenh gij eiqsik caezcaemh Cunghvaz Minzcuz haeuj ndawhag haeuj lajmbanj haeuj giyez, cauhaeb minzcuz doxgiet baenaj, cienzswnj hwngfat minzcuz vwnzva, baujhoh swngghdai, saenghwng lajmbanj, vunzlai gvaqngoenz guhhong dangj cingzgvang. De naeuz, Gvangjsih dwg aen dieg guhyiengh minzcuz doxgiet baenaj, aeu couqmaenh gij eiqsik caezcaemh Cunghvaz Minzcuz doeksaed daengz ginghci, gyauyuz, couhnieb, segih hwnqguh, vwnzva hwnqguh daengj gak hangh hong bae, ca saed ca saeq, hawj youq diegdeih Betgveiq doek rag laeglaeg bae. Youq Nanzningz, Vangz Huningz bae daengz Gvangjsih Bozvuzgvanj, Gvangjsih Minzcuz Dayoz, Cinghsiu Gih Funglingjibwz Segih diuyenz. De naeuz, Gvangjsih gak minzcuz doxcunz

doxyau doxyungz lizsij gyaeraez, aeu dingjmaenh aen Cunghvaz Minzcuz lizsijgvanh cinjdeng, gyagiengz vat-cimh yungh huqcaen gaujgij, vwnzva louzce, sijliu sjsiz, haeujlaeg yenzgiu gij vwndiz giekdaej hungnaek aen gungdungzdiij Cunghvaz Minzcuz, daj aen gungdungzdiij Cunghvaz Minzcuz bae gaemdawz gienz lwnhgangj lizsij caeuq gienz vahgangj.

Mwh diuyenz, Vangz Huningz naeuz, Gvangjsih nyinhcaen doeksaed gij anbaiz baijbouh Dangjcunghyangh, cietsaed doicaenh hwnqguh aen gih guhyiengh couqmaenh gij eiqsik caezcaemh Cunghvaz Minzcuz, gyamaenh hwngfat aen gizmen ndei minzcuz doxgiet, aenbiengz onjdingh, bien-gyaiq anningz. Aeu guh ndei hong couqmaenh gij eiqsik caezcaemh Cunghvaz Minzcuz, dingjmaenh yungh aen lijsiengj saengniemh doxdoengz bae caezhoz guhhong, gyagiengz

hwnqguh aen dijhi lijun gungdungzdiij Cunghvaz Minzcuz, haeujlaeg cauhaeb caeuq senhconz gyauyuz minzcuz doxgiet baenaj, doicaenh gak minzcuz doxcunz doxyau doxyungz, saedhengz aen hengzdoengh hwng bien fouq minz seizdaih moq, hawj gak cuz vunzlai lai nyinhdoengz aen guekcoj hungmbwk, Cunghvaz Minzcuz, Cunghvaz vwnzva, Cunghgoz Gungcanjdangj, sevei cuji miz daegsaek Cungguk. Aeu gyagiengz dangj cienzmienh lingjdauj hong minzcuz, daezsang naengzlig caeuq suijbingz guh ndei hong minzcuz dangj seizdaih moq.

Vangz Huningz lij bae Gvangjsih Bouxcuengh Swcigh Cwnghez Gihgvanh, Fangzcwngzgangj Si Cwnghez Gihgvanh diuyenz, yawj doengh boux daengx guek cwnghez vejyenz caeuq cwnghez gihgvanh ganbu youq Nanzningz.



Yungzsuij: Gyavaiq Guh Yungz Cungz Gauhsuz Goengloh

5 nyied 12 hauh, youq Yungzsuij Myauzcuz Swciyen ingj ndaej dieg hong hwnqguh Yungz Cungz Gauhsuz Goengloh.

Haeuj seizndat doxdaeuj, Cunghgoz Yizyej ciep guh Yungz Cungz Gauhsuz Goengloh hong geiz daih' it haenx, gyalai vunzhong, sezbei, ngaenzcienz daengj, gyoengq vunzhong gyavaiq guh loh, vih dawzseiz guh sat doengci dwk roengz giekdaej. Ciuq cam rox, diuz loh neix raez 56 goengleix, daj Gvangjsih Yungzanh Yen Fouzsiz Cin hainduj, ginggvaq Yungzsuij 4 aen yanghcin, caeuq Yungz Cungz Gauhsuz Goengloh hong geiz daihngieih doxciep haeuj Gveicouh.

(Lungz Dauh ingj)

Sanhgyangh Aeu "Golaux Dungcuz" Bang "Couqmaenh"

Geij bi neix daeuj, Sanhgyangh Dungcuz Swciyen laebdin minzcuz yungzhab, vwnzva doxyau gizdieg miz daegsaek, aeu golaux Dungcuz ciengq minzcuz doxgiet, coihawj sam swngj (gih) dieg gapgyaiq vunzlai doxcunz doxyau, mboujduenh couqmaenh gij eiqsik caezcaemh Cunghvaz Minzcuz.

Aeu golaux Dungcuz ciengq minzcuz doxgiet goksad. Sanhgyangh gaemdawz seizndei gak yanghcin, mbanj guh hozdung, daplaeb aen bingzdaiz senhconz, giethab "gyangj-

gvanj" "dohyeh" daengj fuengsik, ciengq golaux Dungcuz bae diuzgaij doxceng doxnauh, senhconz faplwd daengj. Doenggvaq golaux Dungcuz ciengq gij vwnzva, ginghci, sevei hwngfat bienvraq dieg gapgyaiq sam swngj(gih) geij bi neix ok-daeuj, son' gyauq gak cuz ganbu ginz-cung lai rox gij leixniemh "sam aen liz mbouj ndaej" "seiq aen caezcaemh" "haj aen nyinhdoengz", doidoengh couqmaenh gij eiqsik caezcaemh Cunghvaz Minzcuz.

Aeu golaux Dungcuz bangrengz lijyouzyez hwngfat. Geij bi neix daeuj, vih baujhoh caeuq hwngfat golaux Dungcuz engq ndei, Sanhgyangh doenggvaq "ndwenngieih co' ngeih" ciet golaux Dungcuz Meizlinz, "ndwensam cosam" ciet bauqva Fuz-luz, ciet byaekgep Gauhyouj daengj hozdung, doicaenh golaux Dungcuz caeuq lijyouzyez yungzhab hwngfat, aeu golaux Dungcuz cauhaeb baenz aen binjbaiz miz daegsaek vwnzva lijyouz Mbanjdung.

Aeu golaux Dungcuz coicaenh gapgyaiq huzndei. Sam swngj(gih) dieg gapgyaiq "bya caemh rag, raemx caemh goek, vah doxlumj, gvenq doxdoengz, vunz caemh sim". Sanhgyangh gaemdawz "vah doxlumj" aen daegdiemj minzcuz vwnzva neix, aeu gij cingzcik guhhong yungzhaeuj golaux Dungcuz bae, doenggvaq ciengq go ciengq ok aen vunqsik moq ceihleix lajmbanj, doidoengh "vunz caemh sim" coi huzndei.

(Gunj Yicungh)